



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**B. Haymonis, Episcopi Ante DCCC. Circiter Annos  
Halberstadensis, Historiae Ecclesiasticae, Sive De Rervm  
Christianarvm Memoria, Libri X**

Haimo <Halberstadensis>

**Helmestadi[i], 1671**

Liber VII.

**urn:nbn:de:hbz:466:1-10968**

D. HAYMONIS  
HISTORIÆ ECCLESIASTICÆ

LIBER VII.

## CAPVT I.

*Concilium sacerdotale in Roma propter hæresin  
Novatianorum.*

**S**edente itaque Cornelio pontifice, cum Episcopis Lx. numero, totidemque presbyteris, & plurimis Diaconibus, contra Novatianorum hæresin differitur vigilanter, statuiturque suffragantibus utriusque paginæ testimoniis, eos qui lapsi fuerant curandos esse, & fomentis pœnitentiæ medicandos; & Novatum, nihil habentem charitatis fraternæ, cum reliquis sequacibus ejus, ab ecclesia sequestrari. Extat de his Epistola Cornelii ad Fabianum Antiochenum Episcopum, & libellus Cypriani magnificentissime editus; quo & lapsos confortatur, & contradicentes anathematizat. Decius regnat annis duobus, & tribus mensibus.

## C A P. II

*Persecutio Christianorum per Gallum, cum Volusiano  
filiō Imperatoris.*

**I**nterea Decius duobus nec integris annis functus imperio, cum filiis pariter occiditur. Quo tempore fertur etiam obiisse Origenes, cum plenus esset diērum, & pene septuagenarius. Tunc Gallus cum Volusiano filio suo obtinet imperium. Cujus cum regnum floraret in initio, & cuncta ei ex sententia cederent ad

ad exemplum Decii sanctos viros, qui pro pace regni ejus Deo supplicabant, persecutus est; cum quibus & prosperitatem suam & pacem fugavit. Per idem tempus quæstio oritur in Africæ partibus, de hæreticis rebaptisandis vel non. Sed Cornelio cæterisque Occidentalibus Episcopis manet potius hæc sententia, post abjectionem dogmatis, sola eos manus impositiōne purgandos. *Cornelius* sedit annis circiter tribus.

## C A P. III.

*De sententia Stephani Papæ, de non rebapti-  
sandis hæreticis.*

Igitur *Cornelio* per martyrium consummato, *Lucius* succedit: quo solis mensibus octo functo Apostolatu, *Stephanus* levatur in antistitem: qui de non rebaptisandis hæreticis similem *Cornelio* fert sententiam.

## C A P. IV.

*De hæresi Sabellianæ.*

Eo tempore *Dionysius* Alexandriæ antistes famosus habetur: qui multa & varia scribens, instructionum nobis & doctrinæ copiosam materiam dereliquit. Extat hujus ad *Stephanum* Papam epistola, de multis ecclesiasticis differens caussis. Extant & ejus literæ, quas contra *Sabellianam* hæresin prosecutus est, quæ suo tempore exorta est, plena blasphemias in Deum patrem, & Dominum nostrum Jesum Christum, negans vere esse eum filium patris, nec primogenitum omnis creaturæ,

*simul*

HAYMONIS HISTORIÆ  
simul & Spiritus Sancti auferens intellectum. Gallus Im-  
perator regnat duobus annis, nec integris.

## C A P. V.

*Mors Galli Imperatoris.*

Interea Gallus Imperator moritur, Valeriano succedente  
cum filio Galieno. Stephanus diem obiit. Xystus Episca-  
pus eligitur.

## C A P. VI.

*Persecutio Christianorum per Valerianum.*

**V**alerianus maxime persecutus Christianos, cum ta-  
men primum benignus fuerit, & humanus: post-  
modum vero seductus, per quendam Magicæ artis ma-  
gistrum & principem Magorum Ægyptiorum. De hujus  
persecutione Dionysius scribit in diversis operibus suis:  
in quibus narrat præclara gesta martyrum; & suarum  
ipsius persecutionum meminit; & cujusdam Asterii inter-  
sanctos martyres clarissimi viri, & urbis Romæ Senato-  
ris. Accidit hunc aliquando apud Cæsaream Philippi  
famosissimo huic spectaculo adesse, quo ibi certa & fo-  
lemni die immolabatur victima ad radicem montis, &  
arte quadam Dæmonis nusquam comparens, tolli in  
cœlum à gentibus credebatur. Tunc Asterio humanos  
miserante errores, & pro his ad Deum valde supplican-  
te, subito victima conspectibus omnium redditur, nec  
ultra in locis hic exstigit error. Hujus urbis civem fui-  
se, ajunt, mulierem illam, quæ à Salvatore nostro à pro-  
fluvio sanguinis sanata est, domusque ejus nunc in ea  
osten-

ostenditur. Pro foribus ejus domus basis quædam in loco editiore monstratur, in qua mulieris illius velut genibus Salvatoris pro voluntate, palmasque suppliciter tendentis, imago ære videtur expressa. Astat vero alia ære nihilominus fusa statua in habitu viri, stola compre circumdati, & dextram mulieri porrigentis. Hujus ad pedem statuæ è basi herba quædam specie nova nascitur, quæ cum exorta fuerit, excrescere solet usque ad fimbriam stolæ illius ærei indumenti, maximeque, cum eam summo vertice herba crescens contigerit, vires inde ad depellendos omnes languores morbosque conquirit: Ita ut, quæcumque fuerit infirmitas corporis, haustu exiguo madefacti graminis depellatur, nihil omnino virium gerens, si, antequam fimbriæ summitem contigerit, decerpatur. Hanc statuam ad similitudinem vultus Iesu formatam tradebant, quæ permansit usque ad tempora nostra, quam oculis nostris inspeximus.

B E D A.

Hunc ergo Valerianum Dei vindicta statim consequitur. Nam à Sapore Rege Persarum capitur, ibique lumenibus orbatus, senectute miserabili consenescit. Gallienus ejus filius, postquam summam rerum solus obtinuit, tam claro Dei judicio territus, moderatius agens, persecutionem in nostros cessare facit. Ob meritum tamen vel propriæ libidinis, vel paternæ theomachiae, innumera Barbaris assurgentibus, regni detrimenta sustinuit. Tunc temporis Cyprianus Carthaginiensis Episcopus

piscopus, cuius doctissima exstant opuscula, martyrio coronatur. Stephanus quoque & Xystus Romæ Episcopi, decedunt martyrio.

## C A P. VII.

## De Paulo Samozateno heretico.

Itaq; post Xystum Romanum Pontificem Dionysius subrogatur. Paulus de Samozata apud Antiochiam suscipit sacerdotiū. Hic in hæresin devolvitur, dicens: *Christum communis naturæ tantummodo hominem fuisse.* Tunc celebratur Concilium, rogaturque Dionysius adesse: qui senectutis causa prohibitus, adest per Epistolam. Statuitur Paulus in medio, & frequenti tractatu & disputationibus arguitur, confidentibus venerabilibus Episcopis, & blasphemiam ejus publicantibus, Firmiliano scilicet à Cæsaræa Cappadociæ, Heleno Sardensi, Nicomacho ab Iconio, & Hymenæo Hierosolymorum præcipuo sacerdote, & vicinæ huic urbi Cæsareæ Theotecnō, Athenodoro & Gregorio, Ponti provinciæ sacerdotibus. Hic autem Gregorius cunctorum sermone celeberrimus habetur, & potens in operatione signorum. Hic forte duobus fratribus, habentibus possessionem stagni, & de capture piscium sæpe litigantibus usque ad humani sanguinis effusionem, medius intervenit, & facta oratione, cruentam deinceps inhibens fratrum contentionem, aquas abire jubet, & recessunt, fitque solum frugum, quod antea fuerat navi- um, ferax. Sed & in quodam loco, cum ad instruen- dam,

dam ecclesiam rupes obesset, pernoctans in oratione, transtulit rupem. Item cum per Alpes transiret aliquando, necessitate nivium coactus, ad fanum divertit Apollinis, ibique pernoctat. Quo mane recedente Dæmon poscitur dare responsa, ut prius, sed obmutescit. Consulitur à Sacerdote, opponit titulum adventus Gregorii. Mox sacerdos occupat viam, pervenientis ad Gregorium, querelam expulsi numinis exponit, quæstumque deplorat amissum. At ille scribit Epistolam in hæc verba. **GREGORIUS APOLLINI.**  
*Permitto tibi redire ad locum tuum, & agere quæ consuevi-  
 sti. Hanc Sacerdos ad fanum fert Epistolam, ponitque  
 juxta simulachrum. Adest iterum Dæmon, iterum dat  
 responsa. Tunc Sacerdos in se metipsum conversus  
 ait: Quomodo non multo melior est Gregorius isto Apolline,  
 cuius obtemperat iussis? Et descendens eadem hora ad  
 Gregorium, referensque Epistolam, rem ordine pan-  
 dit, utque se offerat Deo, rogat. Tunc relicta genti-  
 litate, factus est ab eo catechumenus, & cum se castissi-  
 mæ vitæ & abstinentissimæ mancipasset, etiam bap-  
 tisma consequitur, & in tantum fide & virtute profi-  
 cit, quod beati Gregorii successor in Episcopatu effi-  
 citur. Sed & idem Gregorius ingenii sui nobis in par-  
 vo maxima monumenta dereliquit.*

C A P. IIX.

*Metaphrasis Gregorii Martyris & Episcopi  
 Neocæsareæ, & fides.*

K

In

In Ecclesiasten namque Metaphrasin scribit magnificentissime, & Catholicæ fidei expositionem, breviter ista continentem: *Vnus Deus, Pater verbi viventis, sapientiae subsistentis, & virtutis suæ & figuræ, perfectus perfecti generans, pater filii unigeniti.* *Vnus Deus solus, ex solo Deo, figura & imago Deitatis, verbum penetrans, sapientia comprehensio omnia, & virtus qua tota creatura fieri potuit.* *Filius verus veri, & invisibilis ex invisibili, & incorruptibilis ex incorruptibili, & immortalis ex immortali, & sempiternus ex sempiterno.* *Vnus Spiritus Sanctus, ex Deo substantiam habens, & qui per filium apparuit, imago filii perfecta, viventibus causa sanctitatis, sanctificationis præstatrix: per quem Deus super omnia & in omnibus cognoscitur; & filius, per quem omnia.* Et Trinitas ista perfecta maiestate, & sempiternitate, & regno, minime dividitur, neque ab alienatur. Igitur neque factum quid aut feriens in Trinitate, neque superinductum, tanquam ante hac quidem non subsistens, postea vero super ingressum. Neque ita defuit unquam filius patri, neque filio Spiritus Sanctus, sed inconvertibilis, & incommutabilis, eadem Trinitas semper. Haec tenus de Gregorio. Galienus Imperator, regnantis x v.

C A P. IX.

*De obitu Dionysii Episcopi Alexandriæ, & successione Maximi.*

Interea Dionysius apud Alexandriam in pace ecclesiastica diem obiit, decem & octo annis funeris sacerdotio. Maximus succedit. Claudius regnat annis duobus.

CAP.

*De Epistola Concilii Antiochiæ super Hæresim  
Pauli Samozateni.*

**G**alienus quoque moriens *Claudium* habet successorem; qui in brevi moritur, *Aureliano* succedente. Cujus temporibus congregato apud *Antiochiam* Concilio, *Paulus Samozatenus* ultima animadversione damnatur, disputante cum eo *Malchione* quodam, perfectæ eruditio-  
nis viro, excipientibusque notariis. Quæ disputatio ita magnifice ab eo & accurate habita est, ut nunc quoque legentibus sit in admiratione. Itaque secundo jam manifeste *Paulus* hæreticus confutatur, datis epistolis *Dionysio*, Romano Pontifici, & *Maximo* Alexandrino; quibus hæresis & damnatio innotescit & mores; quali-  
ter filium Dei negaret descendisse de cœlo, sed à Maria cœpisse assereret, & initium habuisse de terra. Qualiter etiam *Psalmos*, qui in Dominum nostrum Iesum Chri-  
stum dicebantur, cessare fecisset, velut neotericos, & nu-  
per inventos; per semetipsum, vero compositos diebus Paschæ in medio Ecclesiæ canere fecisset mulieres, quas ipse, (horrendum auditu!) de se instituerat. Qualiter etiam incedens per plateam tali quadam ambitione u-  
teretur, ut publice epistolas relegeret, atque in auditu omnium & oculis dictaret, assistentibus sibi in platea Notariis, quamque superbe etiam tribunal in Ecclesia sibi multo altius, quam fuerat, collocasset, & verbum faciens, jactaret supra modum dextram, ac palmam fe-

K 2

mori

mori illideret, pede quoque subsaltaret, & scabellum feriret, & more theatrali ab auditoribus voces clamosas & plausum expeteret; maxime impudenter etiam mulieres secum habitare permisisset, & Presbyteris & Diaconis, qui ei morem gerebant, similem dedisset licentiam.

## C A P. XI.

*De persecutione & morte Aureliani Imperatoris.*

Igitur damnato & expulso ab Ecclesia, cum exire nollet, publica manu, ex mandato Aureliani Imperatoris, Dominus nomine in Ecclesia Antiochena succedit Episcopus. Interea malis consiliis depravatus Aurelianus, persecutionem meditatur in nostros, eo usque, ut scriptis literis volenti subscribere, dextra Dei intervenerit, & scriptionem deturbaverit, fulmen quoque ante eum magno pavore circumstantium ruerit, ac non multo post morte subita condemnatur. Aurelianus regnat annos sex.

## C A P. XII.

*De Proba, Gajo cum filiis, & Diocletiano Imperatore.*

Cui Probus succedit, cui & totidem annis consummato, Carus cum filiis Numeriano Carinoque succedit. Quibus in brevi consummatis, regnat Diocletianus: sed paulo ante imperium ejus, Dionysius Romanus Pontifex obiit. Dionysius Papa sedet annos ix. Carus cum filiis regnat duobus annis non integris.

CAP.

## C A P. XIII.

*De hæresi Manichæorum.*

**B**eatus quoque, qui tunc meruit rapi de mundo, ne videret mala, quæ iste Diocletianus mox intulit Ecclesiis. Tunc Apostolatui succedit Felix, quo tempore *Manes* magus quidam, secundum nomen suum insaniens, *Perse*s genere, à quo & *Manichæorum* hæresis, novam sectam facit, & dogmata quædam profert, à diversis mutuata hæreticis, & nunc *Christum* se simulat, nunc *Paracletum* se nominat. Et eligit duodecim, ad similitudinem Christi, discipulos. *Felix* Papa sedet annos sex.

## C A P. XIV.

*De morte Felicis & Eutychiani, & successione Marcelli.*

Igitur *Felice* Papa consummato, *Eutychianus* succedit: quo in brevi consummato, *Gajus* Episcopus eligitur. Hic jam tempore *Eusebii* x v. annis sacerdotio perfundus, *Marcellinum* reliquit successorem, quem jam tempus persecutionis invenit. *Marcellinus* fedit ix. annis.



K 3

D.HAY.